

1508 rentur, aut fumo necarentur, se se hostibus dediderint. Legato post hæc & Liviano Postoinam cum pleno exercitu accedentibus, tormentisque positis, ubi ea murum quaterere cœperunt, Rainicher præfectus, ne diriperetur, se atque oppidum tradidit: cui statim comites dati, qui illum abeuntem in tuto sisterent.

*Venetorum
cum Casare
indutia.*

Dum hæc in Istris geruntur, Pauli Lictestenii suasu, prudentis in primis hominis, & recti ac temperati viri, qui magna erat apud Maximilianum regem gratia, atque ab eo impetraverat, ut se ad pacem cum republica converteret, Tridentinorum Episcopus Senatum per literas certiolem facit, cupere Maximilianum indutias cum republica facere: quod si nunc eadem est ei mens, quæ paulo antea fuit, mittat aliquem, qui cum ipse regis nomine agere, quæ tractanda erunt, possit. Senatus ea intellecta re Zachariam Contarenum legavit, qui eo dandis indutiis proficisceretur. Contareus cum in Rheto venisset, cum Episcopo, tribusque viris principibus, quibus omnino quatuor eam rem mandaverat Maximiliani jussu Lictestenius, in regis & reipublicæ finium loco medio colloquutus, causam satis quidem perplexam atque difficilem Gritti legati consiliis explicuit, ut vellent illi trium annorum indutias cum republica facere, cumque ejus fœderatis Galliæ Hispaniæque regibus, atque iis, qui in Italia socii aut ipsius, aut illorum regum essent: nam cum transalpinis uti facerent, adduci nullo modo potuerunt. Id cum Senatus cognovisset, adhibitis regum legatis quæsivit, num id illis caput placeret. quibus annuentibus, facultate sic conficiendi per literas celeriter ei missa, Contareus octavo idus junias indutiis triennialibus cum rege factis scribendo affuit reipublicæ nomine. quod quidem gratissimum Senatui fuit, qui pacem, quam bellum, & onerum vacationem dari civibus, quam ab iis tributa exigere quotidie, malebat. tum illud etiam verebatur, ne, si Maximiliani oppida capi ac diripi sentiens frænus Germania momordisset, tam forti nationi, tantæque multitudini resisti ab se se, & illarum gentium ferocissimarum bellum

respu-